

# Jutdi Bepañ'walañ metamdok pepa youyemguk

## Yodakale Mede

Jutdi mede pepa yendok gineñ youkuk woñadi mede namandap Pitadi pepa mindañ youkuk undiniñgoñ. Adi Bepañ'walañ metamdi Mede Momooñ'walañ memikñiye'walañ medehik mu nadidok youyemguk. Pepa gineñ indinñ yolak. Bepañdi metamñiye inditok nadisukiliti titinñ dininñ tali kubugoñ nimguk. Kañ nebek niñdi indi mede nadiña nadisukilitiyam u tubufilaakdok tuwot moñ.

## Yodakale mede eñ yokahañ mede

<sup>1</sup> Nu Jut, Jesu Kilisto'walañ tipilapilaye-meniñ eñ Jems'walañ kwayañ. Nu metam Bepañdi agañ netok gigit yodapmaguk, hiditok pepa i youhamulat. Bañ Bepañ adi habukahile hinek tilak, kañ Jesu Kilisto negoñ habudokolak. <sup>2</sup> Hidi'walañkade welesiloñ eñ kulema tiña menot hatihati, titinñ wendi hidut tuwot hinek tiña hatuwaak.

## Yalañ-me heki'walañ mede

*(2 Pita 2:1-17)*

<sup>3</sup> Me notneye, nu adi Bepañdi kwanai tiña kotigoñ ninigikuk wendok pepa youla hanimbit yoña nadigut. Ingoñ nadibedi tiña wabiña munte mede noli indinñ unak youhamulat. Hidi Jesu'walañ Mede Momooñ dininñ memikñiye'walañ mede u kelekufali fafañeñ nadisukilitihik u kadokoneeñ. Bepañdi metamñiye inditok nadisukiliti talik kubugoñ kamenimguk, kañ nebek niñdi nemenemek agañ nadisukilitiyam u tuwot mu yotubufilaak. <sup>4</sup> Me noli agañ kabukabup buña kayoñbop maaneñ fogiñ. Koomkwaha Bepañdi me undihidok indinñ yoguk, me undihi adi Bepañdi mede gineñ yapmeeñ yeniyehikelektu tibaak. Adi Bepañ sigilulum timiinñ, tiña Bepañ'walañ siloñ tobogoñ dininñ mede u tubugiyondañ hatififile titinñdok yoiñ. Me heki woñ adi Wapumnik eñ Tubulodanik kubugoñ hinek Jesu Kilisto u sigilulum timiinñ.

<sup>5</sup>Hidi kahat i aganj nadiinj. Wapum adi koom Isilaehi kotigon yanagilune Isip kwet bikabuŋa ugiŋ. Kaŋ mindaŋ metam mu nadisukilitimingiŋ u yehitubu-kadaka tuguk. U aganj nadiinj, iŋgon kotigon nadineŋ yoŋa haniŋtubukaika tilat. <sup>6</sup>Tiŋa undugon Bepaŋdi aŋelo heki kwanai yemguk, iŋgon kwanaihik u didimeŋgon mu tiŋa kwehik bikabugiŋ. Kaŋ Wapumdi tawa fafaŋehi (sen) dokodoko mu tiŋ waaniŋ hakiŋ wendi yehitehiŋa yehitubu-kilitifafaŋeune yokwet mambipnit hinek gineŋ uŋon hakiŋ. Hali Bepaŋdi mede nadinadi kwanai tibaak nai wapum wendok woomiŋ. <sup>7</sup>Tiŋa undugon koom me Sodomhi eŋ Gomolahi tiŋa yokwet wapuhi noli yamaŋgon ilaugiŋ adi titiŋ hogohi yehikeleŋ keffile talik uŋgoniŋ hinek takaliŋa tigiŋ. Unduŋ doktiŋa Bepaŋdi kudup kumuŋkumuŋnit mokit wendi yehitubu-kadakaguk. Indi nemek koom mintagiŋ u nadidakaleŋ meheki weŋ'walaŋ titiŋ hogohi u mu keledok.

<sup>8</sup>Kaŋ meheki woŋ adi nadinadihik tubugiyondadok tiŋ, adi titiŋ hogohi uŋakon yehikeleŋ. Adi lihine mebimebi tiŋ wendi weleyouyout tiyembune foloohik foloŋ titiŋ kadakahi tiŋ. Unduŋ tiŋa nemenemek saŋiniŋhinit be loloŋhinitdok nadiyembune fofonit tilak, eŋ aŋelo talitimeŋ loloŋhinit kunumnehidok mede hogohi yeniŋ. <sup>9</sup>Iŋgon aŋelo heki adi kibi toboniŋ memikhiyedok mede hogohi mu yeniŋ. Aŋelo wapum talitimeŋ Maikol adi Moses'walaŋ sigiŋ gitnem nediyeŋdi tibek yoŋa Sadaŋdut mede kiyokiyo tugumuk, nai uŋaniŋ Maikol adi foko tiŋa Sadaŋ mede hogoli nemu niŋguk. Mokoŋ. Adi yadi indiŋ niŋguk, "Wapum negoŋ ganintoŋa mede mu yodok ganihep kedem tibek."

<sup>10</sup>Meheki woŋ adi nemenemek hogohogok diniŋ mebi mu nadidakaleŋ medehaki hogok yofit tiŋ. Adi yadi kale nadinadihinit mokit nabugon, welehek gineŋ maŋgon titiŋdok nadiŋ uŋakon nadidakalenit mokit tiŋ. Kaŋ titiŋhik wondigon yehitubu-kadaka hinek tilak.

<sup>11</sup>Hidige! Adi kada, detineŋ oye'! Adi Kein'walaŋ titiŋ keleŋ tiŋ. Eŋ muneŋ bombondok nadigalika tiŋa Balam'walaŋ titiŋ hogohi u tiŋ. Eŋ Koladi Bepaŋ foko timiŋguk, titiŋ u tiŋ doktiŋa adi aganj kadakagidiba tiŋ.

<sup>12</sup>Hidi helemahelamaŋ Bepaŋ'walaŋ metamdut mehekinolit hinek tiŋa welekubugon hatiŋ u mintadakaledok hinamuni tiŋ, kaŋ meheki wendi buŋa Bepaŋ dawi foloŋ titiŋ nadidakalenit mokit hogok tifile tiŋ. Adi hinamuni wapum gineŋ hali nanaŋe nayam unduŋ nadimekanit mokit, nehitok hogok nadiŋa nanadifo tiŋ. Adi yadi mulukwaŋ gwi mokit, hogok yaŋamuŋ bulak kaŋ sububadi fedililiwenebekutak undihi. Eŋ bem naihik foloŋ foloŋ mu mintaiŋ wendok tuwolit, tiŋa undugon adi yadi bem mebi tamali beyakulune kumuŋ tiŋ wendok tuwolit. Unduŋ doktiŋa adi kumuŋ nai lufom tiŋ. <sup>13</sup>Adi yadi imeŋgwaŋ wapumdi bediŋa looŋ muhitak wendok tuwolit. Malabumuŋ mebimebi tubumintayawiŋ, kaŋ

titin̄hik hogohi meka mu tīna tīn̄ u imengwarīdi bedīna loon̄ muhilune faik mintaīn wendok tuwot mīngon̄ mintaīn. Tīna undugon̄ adi yadi bamholīna kunum folon̄ talīhik didimen̄gon̄ mu keleīn wendok tuwolit hatīn̄. Undūn doktīna Beparīdi aditok yokwet mambipnit dum hinek tiulidokoyemguk ginēn ūnjon̄ hatineēn dapmandapmanīnit mokit.

<sup>14</sup>Adam'walān yalakīniye mintatalabubuyeēn yokunat 7 folon̄ Inok mintaguk, tīna meheki yēn'walānkade nemek mintawaak wendok kigili mede indiīn yoguk, "Nu kawene Wapum adi āneloniye kunakunathik lolōn̄nit tausen tausen undūn gut bīīn. <sup>15</sup>Adi metam hogohogok mede ginēn yapmeēn me kadakaniīn titīn heki adi kadakaniīnhikdok tuwarīn̄ yembaak. Metamdi Beparī'walān mede wobu tīna nehi'walān nadinadi kelegīn be Beparīdok medehaki nīngīn̄ adi wanakān̄ hogohogok mede ginēn yapmewaak."

<sup>16</sup>Meheki wōn̄ adi nemenemek mintayemilak kān̄ welehīk gouyeune mede yomunumunuēn̄ tīīn̄. Adi yadi welehīk dinīn̄ nadigalika hogohi u yehikeleīn̄. Tīna undugon̄ adi yadi nehitok nadiune loune foko tīna mede wapum tōīn̄. Undūn tīna adi'walān nadinadi takalidok metam yenihohoket tīīn̄.

#### Yokiliti mede

<sup>17</sup>Notneye fofohi, hidi yadi Wapumnik Jesu Kilisto'walān aposel̄niyedi nemek kougon̄ mintawaakdok yogīn̄ wendok nadisūnīla hatiyaneēn.

<sup>18</sup>Adi indiīn haningiīn̄, "Nai dulalune me mede yopekitdok mintaneēn, mintaan̄ Beparī sigilulum timīna nehi'walān nadigalika hogohi u yehikeleneēn." <sup>19</sup>Me undihidigon̄ kayon̄bop lekīngon̄hik folon̄ utawa-utawa tubumintaīn. Adi yadi kwetfolon̄ me heki'walān nadinadi takaliīn̄, doktīna Ūngonīn̄ Munabulidi adi'walān welehīk ginēn mu hatilak.

<sup>20</sup>Īngon̄, notneye fofohi, hidi adi nadisukiliti ūngonīn̄ wendi welehīk tubufafaneune hatiyaneēn. Undūn tīna helemahelamān̄ Ūngonīn̄ Munabuli'walān saninīn̄giīn̄ ginēn ninadi kwanai taneēn. <sup>21</sup>Undūn tīna Beparī'walān welesilon̄giīn̄ ginēn baigon̄ hatiyaneēn. Tīna Wapumnik Jesu Kilisto'walān welekulemanīn̄ mintadakaleune hatihati fafanēnīn̄ u kahiledok woomhatiyaneēn. <sup>22</sup>Me nadisukilitihik fafanē mu tilak heki yadi yehikasopneēn momoon̄ tiyemaneēn. <sup>23</sup>Me noli agan̄ kudup ginēn fofon̄dok tīīn̄, u pilap hinek yehitubu-lodaan̄ kotigon̄ yanagitneēn. Kān̄ me nolidok bulan̄igon̄ nadiyemīna yehitubu-lodane kān̄, nadinadīnīla yehitubu-lodayaneēn. Mangande, adi yadi titīn̄ komihi u yehikelehinakaan̄ agan̄ gēngerīhinit tigīn̄, ēn̄ tinahukuthik maan̄ gēngerīhinit tigīn̄. Wendoktīna hidi nemenemek hogohogok gēngerīhinit u gikīngon̄ tiyemneēn.

#### Yodapman̄ mede

<sup>24</sup>Beparīdi kedem habu-ulidokoune gweheye tuwot mu tineēn. Adi kedem hanagilune woon̄ ne'walān heben̄ folon̄ holiholīngiīn̄ ginēn

hapmeune yomnit mokit hatiņa nadifo loloņnit tineeņ. <sup>25</sup>Bepaņ kubugoņdi Tubulodahik Wapum Jesu Kilisto'walaņ kedemņiņ doktiņa kotigoņ ninigikuk. Unduņ doktiņa wou nintilooņ niutumbanim. Adi mapme loloņnit hinek, eņ saņiniņ loloņnit diniņ molom, tiņa adi negoņ nemenemek hogohogok diniņ molom. Koomkwaha tububihila kunumkwet mu mintaune undugoņ hatiguk, eņ kobuk maņ undugoņ hatilak, eņ kougoņ undugoņ hatiņa wooņ hatibaak. U biyagoņ.